



Caderno da crítica

Cuestionario Proust: Calros Solla

[Ramón Nicolás 1 Decembro 2014](#)

1.– Principal trazo do seu carácter?

-Gústame crer que son irredutíbel.

2.– Que calidade aprecia máis nas persoas?

-A transparencia.

3.– Que agarda das súas amizades?

-Lealdade e comprensión.

4.– A súa principal eiva?

-Son humano.

5.– A súa ocupación favorita?

-Esborranchar papel.

6.– O seu ideal de felicidade?

-Ser dono do meu tempo.

7.– Cal sería a súa maior desgraza?

-Perder a memoria.

8.– Que lle gustaría ser?

-Un superheroe a tempo parcial.

9.– En que país desexaría vivir?

-Nunha Galiza liberada (e en galego).

10.– A súa cor favorita?

-A do roibén.

11. – A flor que máis lle gusta?

-As orquídeas.

12.– O paxaro que prefire?

-O paporrubio. Se aceptamos aves, o moucho.

13.– A súa devoción na prosa?

-O realismo máxico. Os ensaios que enxalzan a galeguidade.

14.– E na poesía?

-As vangardas e a poesía social.

15.- Un libro?

-*O Ciprianillo*.

16.– Un heroe de ficción?

-Xesús de Nazaret.

17.– Unha heroína?

-Afrodita A.

18.– A súa música favorita?

- AC/DC, The Pogues, Jimi Hendrix, Aretha Franklin, Suso Vaamonde, Eric Clapton, Vieja Trova

Santiaguera, Heredeiros da Crus, Sés, A Quenlla, Viñalar Fantastic Band, Siniestro Total, Michael Nyman, Vangelis, Gwendal, Luar na Lubre, Os Chichisos de Pontevedra...

19.– Na pintura?

-A arte rupestre, H. Bosch, P. Brueghel o Vello, Valdés Leal, Laxeiro, Caravaggio, Frida Kahlo, Maside, Van Gogh, Picasso, Dalí, Warhol, Luguís, Munch, Seoane, Paco Sutil...

20.– Un heroe ou heroína na vida real?

-Os meus pais.

21.– O seu nome favorito?

-Nome propio (top.): Abelaíndo. Nome común: saramaganta.

22.– Que hábito alleo non soporta?

-O conformismo, a apatía.

23.– O que máis odia?

-O autoodio.

24.– A figura histórica que máis despreza?

-Calquera servidor público corrupto e/ou autoritario.

25.– Un feito militar que admire?

-A resistencia meduliana.

26.– Que don natural lle gustaría ter?

-O don de linguas.

27. – De que maneira lle gustaría morrer?

-De repente e a pé de obra.

28.– Cal é o seu estado de ánimo máis habitual?

-Preparado para construír.

29.– Que defectos lle inspiran máis indulxencia?

-Todos, se hai vontade de emendalos.

30.– Un lema na súa vida?

-“Facer é o mellor xeito de dicir” (J. Martí).